



DASAR CUKAI PERKHIDMATAN BIL. 2/2025

MENTERI KEWANGAN melalui perenggan 34(3)(a) Akta Cukai Perkhidmatan 2018 mengecualikan pembayaran cukai perkhidmatan **berkuat kuasa 1 Julai 2025** bagi –

PERKHIDMATAN SEWAAN ATAU PAJAKAN

Kumpulan K, Jadual Pertama
Peraturan-Peraturan Cukai Perkhidmatan 2018

BIL.	PENGECEUALIAN	SYARAT-SYARAT
1.	Pengecualian daripada dikenakan tindakan kompaun, pendakwaan dan penalti sehingga 31 Disember 2025 bagi kesalahan berikut: (a) lewat daftar (b) lewat hantar penyata (c) lewat bayar (d) tersilap ikrar (terkurang ikrar & terkurang bayar) (e) apa-apa kesilapan yang berkaitan dengan invois, nota kredit atau nota debit	(a) Kesalahan terlibat dikesan oleh Jabatan Kastam Diraja Malaysia (JKDM) atau syarikat membuat pengakuan atau pengikraran sukarela ke atas kesalahan terlibat. (b) Pengecualian tidak terpakai bagi kesalahan frod atau kesalahan yang disengajakan. (c) Permohonan remisi penalti perlu dibuat kepada Jabatan Kastam Diraja Malaysia (JKDM) mengikut prosedur yang ditetapkan.
2.	Kerajaan persekutuan dan kerajaan negeri diberikan pengecualian daripada mengenakan dan pembayaran cukai perkhidmatan.	
3.	Pihak berkuasa tempatan (PBT) diberikan pengecualian daripada mengenakan dan pembayaran cukai perkhidmatan bagi tempoh 1 Julai 2025 hingga 30 September 2025.	



BIL.	PENGECUALIAN	SYARAT-SYARAT
	Perkhidmatan yang diperoleh atau diberikan mulai 1 Oktober 2025 adalah tertakluk kepada cukai perkhidmatan.	
4.	Kontrak yang tidak boleh dikaji semula (<i>non-reviewable contracts</i>) diberikan pengecualian daripada pembayaran cukai perkhidmatan bagi tempoh 1 Julai 2025 hingga 30 Jun 2026. Perkhidmatan yang diberikan mulai 1 Julai 2026 tertakluk kepada cukai perkhidmatan.	(a) Penyedia perkhidmatan adalah orang berdaftar cukai perkhidmatan; (b) Kontrak tersebut tidak mengandungi klausa semakan semula harga atau apa-apa mekanisme pelarasan nilai; (c) Kontrak dibuat secara bertulis, ditandatangani dan disetemkan oleh Lembaga Hasil Dalam Negeri (LHDN) sebelum atau pada 9 Jun 2025; (d) Kontrak dengan jelas menyatakan: (i) jenis perkhidmatan yang disediakan; (ii) nilai kontrak yang tetap (tidak berubah); (iii) tempoh kontrak; dan (e) Kontrak masih berkuat kuasa selepas 1 Julai 2025.
5.	Pengecualian daripada pembayaran cukai perkhidmatan ke atas perkhidmatan sewaan atau pajakan kepada penyewa yang berstatus Perusahaan Mikro dan Kecil (PMK).	(a) Penyewa perlu membuat pengikraran dan pendaftaran PMK melalui sistem MyPMK yang dibangunkan oleh Jabatan Kastam Diraja Malaysia (JKDM); (b) Jualan tahunan PMK hendaklah tidak melebihi daripada RM1,000,000.00 berdasarkan pendapatan tahunan tahun taksiran terkini yang diikrar kepada Lembaga Hasil Dalam Negeri (LHDN);



BIL.	PENGECUALIAN	SYARAT-SYARAT
		(c) Jualan tahunan PMK hendaklah dikemaskini setiap tahun kepada JKDM; (d) Penyewa hendaklah bertanggungjawab ke atas apa-apa maklumat yang diikrar kepada JKDM; (e) Sekiranya pengikraran didapati tidak benar, maka pihak JKDM boleh memungut semula cukai perkhidmatan yang tidak layak dikecualikan; dan (f) Lain-lain syarat yang ditentukan oleh Ketua Pengarah Kastam atau Timbalan Ketua Pengarah Kastam atau Penolong Ketua Pengarah Kastam (Cukai Dalam Negeri) bagi tujuan kelancaran operasi dan kawalan.
6.	Pelepasan dalam kumpulan (<i>group relief</i>) bagi perkhidmatan sewaan atau pajakan yang disediakan oleh suatu syarikat kepada syarikat lain dalam kumpulan syarikat yang sama.	1. Suatu syarikat hendaklah dianggap sebagai mengawal suatu syarikat yang lain jika— (i) syarikat pertama yang disebut memegang— (a) secara langsung; (b) secara tidak langsung melalui subsidiari; atau (c) bersama secara langsung atau tidak langsung melalui subsidiari, lebih daripada lima puluh peratus modal berbayar yang dikeluarkan oleh syarikat kedua yang disebut; atau (ii) syarikat pertama yang disebut memegang— (a) secara langsung;



BIL.	PENGECUALIAN	SYARAT-SYARAT
		(b) secara tidak langsung melalui subsidiari; atau (c) bersama secara langsung atau tidak langsung melalui subsidiari, daripada dua puluh peratus hingga lima puluh peratus modal berbayar yang dikeluarkan oleh syarikat kedua yang disebut dan syarikat pertama yang disebut mempunyai kuasa pelaksanaan untuk melantik atau memecat kesemua atau majoriti pengarah dalam lembaga pengarah dalam syarikat kedua yang disebut. 2. Saham hendaklah disifatkan sebagai tidak dipegang jika saham itu dipegang— (i) melalui penama; (ii) dalam suatu sifat fidusiari; atau (iii) menurut peruntukan pemegang debentur, persuratan amanah untuk mendapatkan debentur atau aktiviti meminjam wang. 3. Nilai perkhidmatan bercukai bagi perkhidmatan sewaan atau pajakan yang diberikan kepada mana-mana orang di luar kumpulan syarikat dalam tempoh 12 bulan hendaklah tidak melebihi lima peratus daripada jumlah keseluruhan nilai perkhidmatan bercukai tersebut.

Penafian:

Dasar cukai perkhidmatan yang dikeluarkan ini adalah tertakluk kepada sebarang pindaan sekiranya terdapat apa-apa perubahan dasar yang berkaitan.



BAHAGIAN CUKAI DALAM NEGERI IBU PEJABAT
JABATAN KASTAM DIRAJA MALAYSIA